

遼東鶴

古水

丁酉年六月十九 / 2017-07-12

陶生，南直太平人，游逕武林，時天鴻雪，暮宿於西子水榭。曉霽出視，見空澄雲淨，湖冷山白，一鷺振翼而至，止於藻湄，乍作人言，自云西雍羽族，遇雪迷津，遂爾泊斯。生爲示方，鷺騰霄而起，遺生一翮，以當謝儀。越五百年，余夢中逢一女子，綺態嫵妍，翩然降落，吟吟笑曰：「妾五百年前遺翮者，適過遼東，特與故人會也。」語罷飛去，余亦覺寤，以爲異事，爰記之。